

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Wie Danchwart Gelffraten sluoch

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

- 6063 Der uns enrinnen welle durch zegliche not.
Der muoz an disem wege liden schemlichen tot.
- 70 Si fuorren mit in einen uz burgonden lant.
Zuo sinen handen einen helt der was volcher ge-
nant.
Der reite spiheliche allen sinen muot.
- 6073 Swaz ie begie hagne daz duhte den videlere guot.
Ir ros bereitet waren ir soumer wol geladen.
- 75 Si hete an der verte noch deheipen schaden.
Genomen des si muote wan des kuniges kapelan.
Der muose uf sine füze hinwider zuo dem rine
gan.

WIE DANCHWART GELFFRATEN SLUOCH.

- 6073 **D**o si nu waren alle komen uf den fant.
Der kunich begunde fragen wer sol uns
durch diu lant.
- 80 Die reken wege wifen daz wir niht irre varn.
Do sprach der starke volker daz sol ich eine bewarn.
Nu enthalt iu sprach hagne ritter unde kneht.
Man sol vriunden volgen ia dunchet ez mich reht.
Vil ungefuoge mere die tuon ich iu bekant.
- 85 Wiren komen nimmer mere wider in der burgon-
den lant.
Daz sagten mir zwai mer wip hiute morgen fruou.
Daz wir niht komen widere nu rat ich waz man tuo.
Daz ir inuch wafent helde ir sult inuch wol bewarn.
Wir haben hie starke viende daz wir gewerlichen
varn.
- 90 Ich wande an Luge vinden diu wifen mer wip.
Si iahen daz gesunder unfer deheines lip.
Nimmer ce lande keme ni wan der kappelan.
Darumbe ich in so gerne wolte hiute ertrenket han.
Do flugen disê mere von schare baz ze schare.
- 95 Des wurden snelle helde misse vare.
Do si begunden sorgen uf den herren.
An dirre hove reise des gie in werlichen not.
Da ce moungen si waren uber komen.
Da dem elfen vergen der lip was genomen.
- 6100 Do sprach aber hagne sit daz ich vinde han.
Verdienet uf der straze wir werden schwerliche
bestan.
Ich sluoc denselben vergen hiute morgen fruou.
- 6103 Si wizen wol diu mere nuo grifet balde zuo.
Do gelfrat und elfe hiute hie beste.
- 5 Unfer ingesinde daz ez in schedilich erge.
Ich erkenne si so küne ez wirdet niht verlan.
Diu ros sult ir lazei defter samfster gan.
Daz des icmen wene wir slichen uf den wegen.
Des rates wil ich volgen so sprach gifelher der degen.
- 10 Wer sol daz gefinde wifen hin uber lant.
Si sprachen daz tu volker dem ist ez hie wol bekant.
Stige unde straze der küne spielman.
Ê daz manvollen gerte man sach wol gewafent
stan.
Den snellen videlere den helm er uf gebant.
- 15 In herlicher varwe was sin wit gewant.
Er bant ouch zeime schafte ein zeichen daz was rot.
Sit chom er mit den kunigen in ein vreisliche not.
Do was tot der vergen gelpfrate chomen.
Mit wifen meren do het ez ouch vernomen.
- 20 Elfe der vil starke ez was in beiden leit.
Si sanden nach ir helden die waren vil schiere
bereit.
In vil kurzzen citen ich wils iu horen lan.
Sach man zuo ein riten die schaden heten getan.
In starken urleugen vil ungefüge schar.
- 25 Der kom gelpfraten wol siben hundert ce helfe dar.
Do si grimmen vienden begunden riten nach.
Ja leiten si ir herren den was ein teil ze gah.
Nach den künen gesten si wolten anden ir zorn.
Des wart der herren vriunden sider mer verlorn.

- 6130 Do het von trony hagne wol gefüget daz.
Wie mohte finer mage ein helt gehüten baz.
Er pfach der nach hûre mit den finen man.
Und dancwart sin bruoder daz was vil willichlic
getan.
In was des tages zerrunnen des heten si niht mer.
- 35 Er vorht an finen vriunden leit unde fer.
Si riten under schilten durch der beier lant.
Darnach in churzer wile die helde wurden angerant.
Beidenthalp der straze und hinden vaste nach.
Si horten huove claffen dem liute was so gach.
- 40 Do sprach der küne dancwart man wil hie bestan.
Nu binden uf die helme daz ist rätlich getan.
Si hiltten ab ir verte als muose sin.
Si sahen in der vinsten der lichten schilde schin.
Do ne wolte hagene niht langer si verdagen.
- 45 Wer iacht uns uf der straze daz muoz im gelpfart
do sagen.
Do sprach der marchgraue uzer beier lant.
Wir suochen unfer viende und haben her nach
gerant.
Ich enweiz niht wer mir hiute minen vergen sluoch.
Der was ein helt zen handen des ist mir leide
genuoch.
- 50 Do sprac von troni hagne was der verge din.
Der wolte uns niht fuoren des ist diu schulde min.
Do sluoch ich den reken daz ist war desgie mir not.
Ich hete von finen handen nach den grimmigen tot.
Ich bot im ze mite golt und ouch gewant.
- 55 Daz er uns uber fuorte helt in die lant.
Daz zurn er so fere daz er mich do sluoch.
Mit einer starken schalten des wart ich grimme
genuoc.
Do chom ich zuo dem swerte und wert im sinem
zorn.
Mit einer starken wunden des wart der helt verlorn.
- 60 Daz bringe ich iu ze suone swie iuch dunker guot.
Do gie ez an ein striten si waren herte genuot.
Ich wesse wol sprach gelpfrat do hie fur gereit.
Gunther und sin gefinde daz uns tete leit.
Hagne von tronie nu sol er niht genesen.
- 65 Fur des vergen hende der helt muoz hie btorge
wesen.
Si neigeten uber schilte ze stichen nu diu sper.
- 6167 Gelpfrat unde hagne in was ze einander ger.
Else und dancwart vil hetlichen riten.
Si versuochten wer si waren da wart vil grimme
gestriten.
- 70 Wie mohten sich versuochen immer helde baz.
Von einer starken tyost hinder daz ros gefaz.
Hagne der küne von gelphrates hant.
Im braft daz furbuoge des wart im striten bekant.
Von ir ingefinde des trafth der secheste schal.
- 75 Do erholte ouch sich dort hagne da er was ze tal.
Komen von dem stiche nider uf daz gras.
Ich wene er unscampfes muotes wider gelpfraten was.
Wer in diu ros behilte daz ist mir unbekant.
Si waren zuo der erden komen uf den sant.
- 80 Hagne und gelpfrat ein ander liefens an.
Des hulfen ir gefellen daz in wart strite kunt getan.
Swie bitterlichen hagne zuo gelfrate spranc.
Der edele marchgraue des schiltes hin im swanc.
Ein vil michel stuche daz fuor drate dan.
- 65 Des was vil nah erstorben des kunich gunthers man.
Do begunde er ruosen dancwarten vil vaste an.
Hilfa lieber bruoder ia hat mich bestan.
Ein helt zuo finen handen der en lat mich niht
genesen.
Do sprach der küne dancwart der sol ich scheider
wesen.
- 90 Der helt do sprach dar naher und seluoc im ei-
nen selac.
Mit eime scharphen wafen davon er tot gelac.
Else wolte do gerne reken do den man.
Er und sin gefinde si schieden schedelichen dan.
Im was erlagen der bruoder selbe wart er wunt.
- 95 Wol abzech finer degne beliben da ze stunt.
Mit dem grimmen tode der herre muose dan.
Fluhtlichen wenden von den gunthers man.
Do die von beierlande wichen uz dem wege.
Do horte man nach hellen die freislichen slege.
- 6200 Do sagten die von tronie irn vienden nach.
Di si niht enkelten wan den was allen ze gah.
Do sprach an ir stuchte dancwart der degen.
Wir suln wider wenden balde uf disen wegen.
Und laze wir si riten si sint von bluote naz.
- 5 Gahen wir zen vriunden ich rate werlichen daz.
Do sihin wider komen da der schade was geschehen
6207 Do

- 6207 Do sprach von troni hagne helde ir sult besehen.
Wes uns hie gebrestte oder wen wir han verlorn.
Hie in diefem strite durch den gelfrates zorn.
- 10 Si heten verlorn viere die muosen si verflagen.
Die waren vol vergolten da wider was erflagen.
Der von beier lant hundert oder baz.
Des waren den von tronie ir schilte truchen unde
bluotes naz.
Ein teil schein uz den wolken des lichten manen
prehen.
- 15 Do sprach aber hagne nieman sol veriehen.
Den minen lieben herren waz wir hie haben getan.
Lat si unz morgen ane sorge bestan.
Do si nu nach in komen di dort striten e.
Do tet dem ingefinde diu mude harte we.
- 20 Wie lange sul wir riten des vragte manie man.
Do sprach der kune danewart wir mugen niht
hie bi gestan.
Ir muozet alle riten unz ez werde tac.
Volker der snelle der des gefindes pflac.
Bat den marsalch vragen wa sul wir hinte sin.
- 25 Da geraften unser more und ouch die lieben her-
ren min.
Do sprach der kune danewart ich en kans iuch niht
gesagen.
Wir mugen niht geruwen enz begunde tagen.
Swa wir danne vinden da legen uns an ein gras.
Do si diu mere horten wie leit in sumelichen was.
- 30 Si beliben unvermeldet des herzen bluotes rot.
Unz daz disiu sunne ir lichte z schienen bot.
Dem morgen uber berge daz ez der kurtig gefach.
Daz si gestriten heten der helt vil zorneclichen
sprach.
Wie nu friunt hagne iu wene versmahet daz.
- 35 Daz ich iu bi were da iu die ringe naz.
Sus wurden von dem bluote wer hat daz getan.
Er sprach daz tet else der het uns nehten bestan.
Durch sinen vergen wir wurden an gerant.
Do sluoc gelfraten mines bruoder hant.
- 40 Sid entran uns else des twanch in michel not.
Ir hundert und uns viere beliben da in strite rot.
Wir kunen niht bescheiden wa si sich leiten nider.
Al die lant lute gefrieschen sider.
Daz ce hove furen der edelen uoten kint.
- 6245 Si wurden wol enphangen dazze pazzowe sint.
Der edelen kunige oheim der bischof pilgrim.
Dem wart vil wol ze muote do die neven sin.
Mit also vil reken komen in daz lant.
Daz er in willech were daz wart in schiere bekant.
- 50 Si wurden wol enphangen von vriunden uf den
wegen.
Dazze pazzowe man kunder niht gepflegen.
Si mazen uber wazzer da si funden velt.
Da wurden uf gespannen hutten unde rich gecelt.
Si muosen da belieben allen einen tac.
- 55 Und ouch die naht mit vollen wie schone man ir pflac.
Darnach si muosen riten in rüdigeres lant.
Dem wurden ouch diu mere danach schiere bekant.
Do die wege muoden rüwe genamen.
Unde si dem lande nu naher quamen.
- 60 Do fundens uf der marche slafende einen man.
Dem von trony hagne ein stanchez wafen angewan.
Ja was geheizen ekewart derselbe riter guot.
Er gewan darumbe vil trurichen muot.
Daz er verlos daz wafen von der helde vart.
- 65 Die rüdigers marke funden si ubele bewart.
O we mir dirre schande sprach do ekewart.
Ja riwet mich vil fere der burgonden vart.
Sit ich verlos sifriden sid was min vreudez ergan.
O we herre rüdiger wie han ich wider dich getan.
- 70 Wol horte hagne des edelen reken not.
Er gab im wider sin wafen unde sehs bouge rot.
Die habe dir helt ze minnen daz du min friunt list.
Du bist ein degen kune swie eine du hie bist.
Got lone iu iuwer bouge sprach do ekewart.
- 75 Doch riwet mich vil fere cen hunen iwer vart.
Ir sluoget sifriden man ist iu hie gehaz.
Daz ir iuch wol hütet in triwen rate iuch daz.
Nu müze uns got behüten sprach do hagne.
Ja hant niht mere sorge dise degene.
- 80 Wan um die herberge die kunige und ir man.
Wa wir in diefem lande nach heint nah felder han.
Diu ros sint uns verdorben uf den verren wegen.
Und spise zerrunnen sprach hagene der degen.
Wir vindenz ninder veile uns wer wirtes not.
- 85 Der uns heint gebe durch sin tugent daz brot.
Do sprach aber ekewart ich zeig iu einen wirt.
Daz

- 6187 Daz ir ze huse selten baz komen birt.
In deheime lande als iu hie mac geschehen.
Ob ir sielle degne welt rüdigeren sehen.
- 90 Der fizet bi der straze und ist der beste wirt.
Der ie kom ze straze sin herze tugende birt.
Alsam der füze meie das gras mit blumen tuot.
So er sol helden dienen so ist er vro gemuot.
Do sprach der kunich gunther welt ir min bote sin.
- 95 Ob uns welle behalten durch den willen min.
Min lieber vriunt ruediger min mage und uns man.
Daz wil ich immer dienen so ich aller beste kan.
Der bote bin ich gerne sprach do eehewart.
Mit vil guotem willen huob er sich an die vart.
- 6300 Und seite ruedigere als er hete vernomen.
Im was in langen ziten niht so lieber mäere komen.
Man sach ze bechlaren ilen einen degen.
Selbe erkand in ruediger er sprach uf diesen wegen.
Dort her gahet ekewart ein kriemhilde man.
- 5 Er wande daz die viende im heten etewas getan.
Do gie er fur die porte do er den baten vant.
Das svert er von im gurte und leit es von der hant.
Er sprach zuo dem degene was habt ir vernomen.
Das ir also fere gaht hat uns icman iht genomen.
- 10 Uns hat geschadet niemen sprach ekewart ze hant.
Mich habent dri kunige her zuo zu gefant.
Gunther von burgonden gifelher und gernot.
Der rechen ieclicher uich sinen dienest her enbot.
Daz selbe tuot her hagene und ouch volker.
- 15 Ir dienest willeliche noch sage ú mer.
Daz iu des kuniges marschalch danewart das enbot.
Daz den guoten degenen wér uíwer herberge not.
Mit lachendem munde sprach do ruedeger.
Nu wol mich dirre maere das die kunige her.
- 6320 Miner herberge mochent diu wirt in niht verfeit.
Choemen si mit ze huse mit dienste bin ich in bereit.
Uich hat der kuniges marschalch heizen wissen lan.
Wen ir ze herberge noch hiute muzet han.
Schzech chruener rechen und tusent ritter guot.
- 25 Und niuntusent knechte do wart er vroelich gemuot.
So wol mich dirre geste sprach do ruedeger.
Das mir choment ze huse die rechen also her.
Den ich noch vil selten iht gedienet han.
Nu riten in begegene mine mage und man.
- 30 Von gahen zuo den rossen huop sich da michel not.
Von rittern und von knechten der wirt do gebot.
Den sinen ambluten si schuffens deste bas.
Noch enwistez niht frou gotelint diu in ir keme-
naten saz.
- Do gie der marcgrave da er die frowen vant
- 35 Sin wip und sine tochter do sagt er in ze hant.
Diu vil lieben maere diu er hete vernomen.
Das ir frowen brüder ir ze huse foiden chomen.
Vil libe trutinne sprach do ruedeger.
Ir sult vil wol enpfahen die edeln kunige her.
- 40 So si mit ir gesinde fur uich ee hove gan.
Ir sult ouch sehene gruzen hagenen gunthers man.
Mit in chumt ouch einer der heizet danewart.
Der ander heizet volker an zuhten wol bewart.
Die sehse sult ir chuffen ir und die tochter min.
- 45 Und sult ouch bi den degenen in zuhten groezli-
che sin.
Das lobten do die frowen und warens vil bereit.
Si suhten uz den kisten diu maniger hande chleit.
Dar inne si begegene den rechen wolden gan.
Da wart vil michel vlize von schoenen frowen
getan.